



INATSISARTUT

Aningaasaqarnermut Naalakkersuisoq

Ulloq: 10. december 2012

J.nr.: 01.31.06/12-00612

Aningaasaqarnermut Akileraartarnermullu Ataatsimiititaliap sisamangornermi ulloq 6. december 2012-imi aalajangiineranik Naalakkersuisunut ilisimatitsineq (suliaq nr. 01.31.06/12-00612)

- 2012-imi ilassutitut aningaasaliissutinut inatsimmut ilanngussassanik oqaasertaliussap kiisalu oqaasertaliussamut nassuiaatip allanngortinneqarnissaannik qinnuteqaat

Naalakkersuisut inassutigaaat.

- kontomut pingaarnermut 40.90.03-mut, Namminersorlutik Oqartussat illuutaannik aserfallatsaaliuineranut tunngasumut, oqaasertaliussap aamma oqaasertaliussamut nassuiaatip allanngornera ilanngullugu nassiuunneqartup 2012-imi ilassutitut aningaasaliissutinut inatsimmut ilanngunneqassasoq

- **Aningaasaqarnermut Ataatsimiititaliap oqaaseqaatai**

Oqaasertaliussaq aammalu oqaasertaliussamut nassuiaat una oqaasertaliussamut atuuttumut taarsiunneqarnissaat Naalakkersuisut qinnutigaaat:

"Kotomut pingaarnermut 40.90.03 Namminersorlutik Oqartussat illuutaannik aserfallatsaaliuineq

Kotomi pingaarnermi uani atuinikinnerit ukiumut aningaasaliiffiusumut tullermut nuunnissaannik Naalakkersuisut pisinnaatinneqarput.

Kotomut pingaarnermut 40.90.03 Namminersorlutik Oqartussat illuutaannik aserfallatsaaliuineq

Oqaasertaliussami aningaasaliissutit ukiumi aningaasaliiffiusumi tullermi tamakkiisumik atorneqarnissaat periarfissinneqarpoq. Illuutiniq aserfallatsaaliuineranut atatillugu pingaaruteqarpoq ukiup aningaasaliiffiusup ingerlanerani tamatigoortumik pilersaarusiornissaq. Tamanna pingaartumik pingaaruteqarpoq, tassa illuutiniq aserfallatsaaliuinerami kinguaattoorutit kinguneqarmata ingerlatat annertunersaasa imatut annertuginerannik suliassanik suliariumannittussarsiuussinissaq pisariaqarluni, taamaammallu ingerlatat ukiuni aningaasaliiffiusuni ataasiakkaani aqunneqarnissaat ajornakusoorluni."

Aningaasaliissutit 100 %-iusut aningaasat ukiuannut tullermut nuuneqarnissaasa qinnutigineqarnerat kingusissutut ataatsimiititaliamit isumaqarfiginarpoq, tassami suliariumannittussarsiuussinissamut neqerooruteqartitsinissamullu atortussanik

suliaqarnerminnut atatillugu aningaasat atorneqarnissaat Naalakkersuisunit aalajangersareersimassagaat ilimagineqartariaqarmat. Namminersorlutik Oqartussat illutaanni aserfallatsaaliinermi annertuumik kinguaattooqqaneq aammalu aningaasanik pitsaanerpaamik atuinissaq eqqarsaatigalugit aningaasat, aningaasat ukiunnut tullermut immikkut illuinnartumik nuunneqarnissaat isumatusaarnerussaaq.

Ataatsimiititaliaq ima apeqqtissaqarpoq:

1. Suliariumannittussarsiuussinermi neqerooruteqartitsinermilu atortussanik suliaqarneq naammassineqarsimanersoq, tamannalu pillugu Naalakkersuisut isumaqatigiissuteqarsimanersut paasissutissiissutigeqquneqarpoq.
2. Tamanna akuersaartumik akineqarpat suliariumannittussarsiuussinermik neqerooruteqartitsinermillu suliassat suliarineqarnissaat pillugit minnerpaamik missingersuut B pigineqarsimassasoq ataatsimiititaliamit naatsorsuutigineqarpoq. Taamaattoqanngitsoq paasinarsissagaluarpat tamanna pillugu Naalakkersuisut kinguaasaanertaqanngitsumik ataatsimiititaliamut ilisimatitsissuteqassapput.
3. Aserfallatsaaliinissaq pillugu ukiunut arlalinnut pilersaarut suliarineqassasoq Naalakkersuisut isummernissaannut tunngavissiamik taaneqarpoq. Taanna piareerniariarpat nassiunneqassasoq kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Apeqqtinut siuliani allassimasunut Naalakkersuisut akissutaat kalaallisut danskisullu kingusinnerpaamik ulloq 17. december 2012, nal. 12.00 nassiuteqquneqarpoq assilineralu ukununnga nassiunneqarluni: julie@ina.gl aamma sakkak@ina.gl.

Ataatsimiititaliaq sinnerlugu

Andreas Uldum
Ataatsimiititaliap siulittaasua